

KUTILMAGAN ZARARLAR HISOBI

9. Kutilmagan zararlar hisobi kutilmagan vaziyatlar natijalariga ko'ra olib beriladi. Agar kutilmagan vaziyat xo'jalik yurituvchi sub'yektni zarar ko'rishga olib kelishi ehtimoli mavjud bo'lsa, bunday zararni moliyaviy hisobotlarda aks ettirish maqsadga muvofiqdir.

10. Kutilmagan zarar miqdori moliyaviy hisobotda majburiyat sifatida ko'rib chiqilishi kerak, agar:

— buxgalteriya balansini tuzish sanasida kelgusidagi voqealar natijasida har qanday mumkin bo'lgan qoplash mablag'ini hisobga qabul qilish ehtimoli aktivlar qiymatini pasaytirib yuboradi, bunday qoplash mablag'lari majburiyat hisoblanadi;

— kelgusida ko'riladigan zararlar qiymatini (bahosini) aniqlash imkoniyati mavjud bo'lsa.

11. Kutilmagan zararlarning mavjudligi ([10-banddagi](#) hollardan tashqari) moliyaviy hisobotlarda ochib berilishi kerak, zarar ko'rish ehtimoli kam bo'lgan holatlar bundan mustasno.

12. Ishlab chiqarish faoliyatida umumiy yoki aniqligi nomuayyan xatarlar uchun hisoblangan summalar, buxgalteriya balansini tuzish sanasida kutilmagan vaziyatlarga taalluqli emas va shu boisdan kutilmagan vaziyatlar sifatida ko'rib chiqilmaydi.